

THE FIRST GENERAL EPISTLE OF JOHN

¹ Dantsé godeyaadá' nłíni, án daadesiits'aaníí, nohwińáá bee daahiit'iiníí, daahihiiłtsaaníí, nohwigan bee nabik'ídaadenłñihíí, án Yati' be'ihí'ńáhi, Christ nłií;

² (Ihi'ńaahíí ch'í'ńah alzaa, án daahihiiłtsaa, baa nadaagohiiłni', ihi'ńaa doo ngonel'aa dahíí, nohwiTaa yił nłíni, nohwich'í' ch'í'ńah alzaahíí nohwił baa nadaagohiiłni';)

³ Daahihiiłtsaaníí ła'íí daadesiits'aaníí nohwił baa nadaagohiiłni', nohwíí ądó' nohwił ھیł daanjoo doleehíí bigha: nohwiTaa ła'íí biYe', Jesus Christ, bił da'anii ھیł daandłií.

⁴ Dązhó nohwił daagozhóó doleehíí bigha díí nohwich'í' baa k'eda'iilchii.

⁵ Díínko Christ bits'ą'dí' daadesiits'aa, áík'ehgo nohwił nadaagohiiłni', gádaanohwiłn'ńiigo, Bik'ehgo'ihí'ńań idindłáádíí nłií, godiłhiłíí dązhó doo ła'biyi' golií da.

⁶ Godiłhiłíí biyi' nahiikaidá', bił ھیł daandłií daan'ńiiyúgo ھیłda'ilchoo, da'anii ágot'eehíí doo bikísk'eh ádaant'ee da:

⁷ Áídá' Bik'ehgo'ihí'ńań idindłáádíí yi yi' nłiíhií k'ehgo néé ądó' idindłáádíí biyi' nahiikaiyúgo, ھیł daanjoo, áík'ehgo biYe' Jesus Christ bidíí nohwinchó'íí dawa nohwá yidíłkoo.

⁸ Nohwinchó'íí da'ádih daan'ńiiyúgo, ích'í' nadaahiich'aa, áík'ehgo da'anii ágot'eehíí nohwiyi' da'ádih.

9 Nohwinchọ́'íí baa nanádaagohiilni'yúgo, Bik'ehgo'ihinań nohwinchọ́'híí bigha nohwaa nágode'aah, ńń da'áníyú át'ée, dábik'ehyú át'ée, áík'ehgo doo bik'ehyú ádaasiidzaa dahíí dawa nohwá nai'eel.

10 Doo hak'i nchọ́'go ádaahiidzaa da daan'niiyúgo, Bik'ehgo'ihinań lé'ılchóhi nliigo ádaahiidle', áík'ehgo biyati'íí doo nohwiyi' golíí da.

2

1 Shichagháshé, díí nohwich'í' k'e'eshchii, doo hak'i nchọ́'go ádaah't'íí da doleel'íí bigha. Ndi dahadín nchọ́'go adzaayúgo, nohwiTaa yich'í' nohwá yakti'íí gólíí, Jesus Christ, dábik'ehyú át'éhi:

2 Áń nohwinchọ́'híí bigha bidil idezjoolíí yee na'aznilhi nlii: doo danéé zhá da, ni'godzán dágóz'ąą nt'éégo biká' nnee binchọ́'íí áldó' bá.

3 Christ yengon'áání bikísk'eh ádaant'eeyúgo zhá ńń bídaagonlzihií bee nohwił ídaagozi.

4 Dahadín, Shíí ńń bígonsi, niidá' ńń yengon'áání doo bikísk'eh at'ée dahíí, lé'ılchóhi nlii, da'anii ágot'eehíí doo biyi' golíí da.

5 Áídá' dahadín Bik'ehgo'ihinań biyati' yikísk'eh at'éehíí bil nzhooníí dayúweh nłdzil hileehíí bigha łalzaa: díí bee da'anii biyi' daandliigo nohwił ídaagozi.

6 Dahadín, Christ biyi' nshlii, nihií, higaal n'íí k'ehgo higaalgo dábik'eh.

7 Shik'íyú, begoz'aaní doo ńńidéhi bee nohwich'í' k'e'eshchii da, áídá' begoz'aaní doo ńńidá'hi, doo ńńidá' bídaagonłsini. Doo ńńidá'hi begoz'aaní, yati' baa gozhóni dantsé daadesots'ąadı' godezt'i'go daadohts'agi at'ée.

8 Áídá' godilhiíí bech'ígonyáádá' da'anii idindláádíí k'adíí be'idindláádhíí bighą begoz'aaníí ánídéhi at'éé, Christ biláhyú da'anii, nohwíí ǎldó' nohwich'í' da'anii: áí begoz'aaníí bee nohwich'í' k'ená'ishchii.

9 Dahadíí, Idindláádíí biyi' nashaa, niidá' bik'isn yik'enniíhyúgo, ǎn t'ah godilhiíí yiyi' nagháhi at'éé.

10 Dahadíí bik'isn bił nzhooníí, idindláádíí yiyi' golíí, áík'ehgo bighą nach'igeehíí da'ádih.

11 Áídá' bik'isn yik'enniíhíí godilhiíí yiyi' golíí, godilhiíí yiyi' nagháhi at'éé, hayú deyaa shíhíí doo yígótsı da, godilhiíí bińáá áyisdıđdhíí bighą.

12 Shichągháshé, Christ bizhi'íí biláhyú nohwinchọ'híí bighą nohwaa nádaagost'aąhíí bighą nohwich'í' k'e'eshchii.

13 Nnee báyǎn daanołhíni, Bik'ehgo'ihí'nań, dantsé godezt'i'go golííńí, bídaagonołshíí bighą nohwich'í' k'e'eshchii. Nnee ǎní nahkaihíí, nchọ'i nliłhń bitis daasolıłhíí bighą nohwich'í' k'e'eshchii. Chągháshé daanołhíni, nohwiTaa bídaagonołshíí bighą nohwich'í' k'e'eshchii.

14 Nnee báyǎn daanołhíni, dantsé godeyaadí' godezt'i'go golííńí bídaagonołshíí bighą nohwich'í' k'eshıłchíí ni'. Nnee ǎní nahkaihíí, nadaanołwodíí, Bik'ehgo'ihí'nań biyati' nohwiyi' golıłhíí, ła'íí nchọ'i nliłhń bitis daasolıłhíí bighą nohwich'í' k'eshıłchíí ni'.

15 Ni'godzáń biká' ágot'eehíí, dagohíí ni'godzáń biká' nandeehíí doo nohwił daanzhọọ da le'. Dahadíí ni'godzáń biká' ágot'eehíí bił nzhoųyúgo, nohwiTaa bił'ijóóníí doo biyi' golıı da.

16 Ni'godzáń biká' be'ágot'eehíí dawa, kots'ı

nchọ'i hat'ííní, konáá bee nts'i'íksihíí, kohi'na' be'ida'ch'odlíhíí, díí dawa doo nohwiTaa bits'á'dí' da, ni'godzán bits'á'dí'hi ádaat'ee.

17 Ni'godzán la'íí nchọ'go hách'it'iíní bech'ígowáh: áídá' hadín Bik'ehgo'ihí'nań dahát'íyú ánát'íhíí dahazhí' golíí.

18 Shichagháshé, nnágodzaahíí biká' ngonyáá: Christ yich'í' nagonłkaadíí hináh doleekí ba'ikodaanojsi; ilk'idá' Christ yich'í' nadaagonłkaadíí ląągo neheskai; áí bee nnágodzaahíí biká' ngonyáá bídaagonłzi.

19 Áí nohwits'á' dahiskai ni', áí doo bíł daandlıj dahíí bighą nohwits'á' dahiskai; bíł daandlıj lék'eyúgo, t'ah bíł nahiikai doo ni': áídá' nohwits'á' oheskai, áí bee bígózi, doo bíł daandlıj dago.

20 Áídá' nohwíí Holy Spirit nohwiyi' golíí, áík'ehgo dawa nohwıl ídaagozi.

21 Da'anii ágot'eehíí doo bídaagonłsi dahíí bighą nohwich'í' k'eshchíj da, áídá' bídaagonłshíí bighą, la'íí lé'ichóohí doo la' da'anii ágot'eehíí bits'á'dí' dago bídaagonłsi.

22 Hadín lé'ılchóhi nlij? Jesus doo Christ nlij da, niihíí, án lé'ılchóhi nlij. Bik'ehgo'ihí'nań doo nohwiTaa at'éé da, niihíí la'íí, Christ doo Bik'ehgo'ihí'nań biYe' at'éé da, niihíí Christ bich'í' nagonłkaadíí nlíni at'éé.

23 Hadín, Christ doo Bik'ehgo'ihí'nań biYe' at'éé da, niihíí Bik'ehgo'ihí'nań nohwiTaa doo yígółsi da: áídá' hadín, Christ Bik'ehgo'ihí'nań biYe' at'éé, niihíí Bik'ehgo'ihí'nań nohwiTaa ałdó' yígółsi.

24 Yati' baa gozhóni dantsé daadesots'aadı' godezt'i'go daadesots'aaníí dayúweh nohwiyi'

golíí le'. Ágádaah'tíyúgo Bik'ehgo'ihí'nań nohwiTaa la'íí biYe' dała' bíl daanohłíi doleeł.

²⁵ Ihi'naa doo ngonel'ąą dahíi yaaká'yú bee daahinoħnaa doleeł, nohwiłnńiidgo nohwá ngon'ąą.

²⁶ Dahadíń k'izénoħwidilteeh hádaat'iiníi díi baa nohwich'í' k'eshilchíi ní'.

²⁷ Bik'ehgo'ihí'nań Holy Spirit nohwiká'zhí' áyíílaa, t'ah nohwiyi' golíi, doo hadíń nohwił ch'ídaago'aah da ndi nzhq̄: da'áń dawa nohwił ch'ígó'aah, áń da'anii, doo lé'gochoo da, dánohwił ch'ígon'ąąhíi k'ehgo Christ biyi' daanohłíi le'.

²⁸ Shichągháshé, áń biyi' daanohłíi; áík'ehgo áń hiltsehíi bijíi doo bédaahiildzid dago nasiidzíi doleeł, nyáágee doo bińáál ídaa yádaandzı dago.

²⁹ Bik'ehgo'ihí'nań dávik'ehyú át'éégo bídaagonłsyúgo, nńee daantı́gee da'áígee ánádaat'íińi Bik'ehgo'ihí'nań bichągháshé ádaat'eego bídaagonłsı.

3

¹ Bik'ehgo'ihí'nań nohwiTaa ntsolaą bíl daanjq̄, bichągháshé daanohwiłdi'ńiigo: ni'gosdzán biká' nńee doo bídaagonłsı dahíi bighą néé áldó' doo nohwiłdaagonłsı da.

² Shił daanohshóni, k'adíi Bik'ehgo'ihí'nań bichągháshé daandlıi, hago ádaant'ee doleełi doo hwahá bígozıih da: ndi díi bídaagonłzı, áń hiltsehíi bijíi áń ga'ádaant'ee doleeł; da'át'ééhíi k'ehgo daadidiiltséh doleełhíi bighą.

³ Nńee daantı́gee áík'ehgo Jesus yich'í' biini' tédaat'iıyúgo, Jesus dázhq̄ nzhq̄híi k'ehgo nzhq̄q̄go ádilzı.

4 Dahadín doo bik'ehyú át'ée dahíí, Bik'ehgo'ihí'nań yegos'aaníí áldó' doo yee ilsí da: doo bik'ehyú ágot'ee dahíí Bik'ehgo'ihí'nań yegos'aaníí doo be'ch'ilsí dahíí át'ée.

5 Díínko bídaagonósj, Jesus nohwinchó'íí yó'oyidi'aahgo nyáá; ła'íí nchó'íí doo ła' ye'at'ée da.

6 Dahadín án biyi' nliiníí doo nchó'go at'íí da: ła'íí dahadín nchó'go at'íiníí doo hak'i bíłsaą da, doo bígósł da.

7 Shichagháshé, hadín nohwich'í' naoch'aa hela': dahadín da'áígee ánát'íłhíí dá bik'ehyú át'ée, Bik'ehgo'ihí'nań dá bik'ehyú át'ée híí k'ehgo.

8 Dahadín nchó'go ánát'íłhíí ch'iidn nant'án bits'á'dí'hi at'ée; ch'iidn nant'án godeyaadí' godezt'i'go nchó'go at'íí. Ch'iidn nant'án ánát'íłhíí ídółđíłhíí bighą Bik'ehgo'ihí'nań biYe' nyáá.

9 Dahadín Bik'ehgo'ihí'nań bizhaazhé nliiníí doo nchó'go at'íí da; Bik'ehgo'ihí'nań ye'at'éhi biyi' nliłhíí bighą: doo hago'at'éégo nchó'go at'íí da, Bik'ehgo'ihí'nań bizhaazhé nliłhíí bighą.

10 Díí Bik'ehgo'ihí'nań bichagháshé dagohíí ch'iidn nant'án bichagháshé bee bígózł doleek: dahadín doo dá bik'ehyú át'ée dahíí, ła'íí doo bik'isn bíł nzhóq dahíí doo Bik'ehgo'ihí'nań bits'á'dí'hi at'ée da.

11 Díí na'goni'íí yati' baa gozhóni dantsé daadesots'aadí' godezt'i'go daadesots'aahíí át'ée, daanohwigha kłł daanjóqgo dá bik'eh.

12 Doo Cain k'ehgo ádaant'ee da, nchó'i nliłhń yits'á'dí' nliłgo bik'isn náizesđđ. Nt'é bighą yizes-híí? Dabíí bi'at'e' nchó'dá' bik'isn dá bik'ehyú át'ée híí bighą.

13 Shik'íyú, ni'gospdzán biká' nnee nohwik'edaanniihyúgo, doo nohwil díyadaagot'ee da le'.

14 Nohwik'isyú nohwil daanzhōohíí bighā da'itsaah bits'á'dí' ihi'naazhí' daasiikaihíí bídaagonlzi. Dahadín doo bik'isn bił nzhōq dahíí, da'itsaahíí yiyi' golíí.

15 Dahadín bik'isn yik'enniihn ílk'idá' nnee yizes-híjhií k'ehgo at'éhi at'éé: dahadín nnee yizes-híjhií 'ihi'naa doo ngonel'aa dahíí doo yee hi'naa dago bídaagonłsi.

16 Jesus bi'ihina' nohwá nyinné'íí bee Bik'ehgo'ihina' bił'ijóóníí bídaagonlzi: áík'ehgo néé áldó' nohwi'ihina' nohwik'isyú bá ndaan'né' dábik'eh.

17 Dahadín ni'gospdzán biká' be'ihinaahíí dawa yígoyihídá', bik'isn tét'iyéégo yígółsi ndi doo yaa ch'oba' dayúgo, hagot'éégo Bik'ehgo'ihina' bił'ijóóníí bijíí biyi' golíí?

18 Áídá' shichagháshé, da'aniigo lił daanjōogo ilch'odaahi'nii le', doo daazhōgo ádaan'niigo da, doo daazhōgo baa nadaagohiilni' da.

19 Díí bee da'anii ágot'eehíí bits'á'dí' daandliigo bídaagonlzi doleel, la'íí Bik'ehgo'ihina' binadzahgee nohwijíí biyi' nkegohen'ááníí begoz'aa doleel.

20 Nohwijíí yune' doo bik'ehyú ádaant'ee da daandziyúgo, Bik'ehgo'ihina' nohwijíí bitisgo at'éehíí dawa yígółsi.

21 Shił daanohshóni, nohwijíí yune' dábik'ehyú ádaant'eehíí bídaagonlziyúgo, Bik'ehgo'ihina' binadzahgee doo ndaahiildzid da.

22 Áík'ehgo nt'éhéta bídaahónkeedíí nohwaa yiné', ngon'ááníí bikísk'eh ádaant'ee, la'íí dábił bik'ehyú ádaant'eehíí bighą.

23 Díínko ngon'áni at'éé, BiYe', Jesus Christ, daahohdłą le', la'íí kł daanohjoo le', Bik'ehgo'ihí'nań nohwá ngon'ááhíí k'ehgo.

24 Hadíń Bik'ehgo'ihí'nań ngon'áni yikísk'eh at'ééhń, Bik'ehgo'ihí'nań biyi' golíí, la'íí Bik'ehgo'ihí'nań yiwi' golíí. Holy Spirit nohwaa daizné'íí bee Bik'ehgo'ihí'nań nohwiwi' golíigo bídaagonłzı.

4

1 Shił daanohshóni, spirits doo dawa daahohdłą da, áídá' spirits bídaanohtahgo bídaagonołsıh, Bik'ehgo'ihí'nań bits'á'dí' daanłiı shıhíı, dagohíı doo bits'á'dí' daanłiı da shıhíı: Bik'ehgo'ihí'nań binkááyú na'iziidi ádaadil'ini łąągo ni'godzán biká' niheskaihíı bighą.

2 Díı bee Bik'ehgo'ihí'nań biSpirit bídaagonołsı: Spirit daantııgee, Jesus Christ nıee k'ehgo nyáá, niıhíı Bik'ehgo'ihí'nań bits'á'dí' nłini at'éé:

3 Áídá' spirit daantııgee, Jesus nıee k'ehgo nyáá, doo niı dahíı doo Bik'ehgo'ihí'nań bits'á'dí' nłini at'éé da: díı Christ bich'ı' nagonłkaadíı bispirit at'éé, híghągo ba'ikodaanołsı n'ıı; da'ái ik'idá' ni'godzán yiká' nłiı.

4 Shichągháshé, Bik'ehgo'ihí'nań bits'á'dí'hi daanohłiı, áík'ehgo Bik'ehgo'ihí'nań binkááyú na'iziidi ádaadil'ini bitis daasolıı: nohwiwi' golíıhń ni'godzán biyi' golíıhń bitisgo at'ééhíı bighą.

5 Ni'goszán bits'á'dí daanlii: áí bigha ni'goszán biká' ágot'eehíi yaa yádaakti', áík'ehgo ni'goszán biká' nnee daabidits'ag.

6 Néé Bik'ehgo'ihinaan bits'á'díhi daandlii: dahadín Bik'ehgo'ihinaan yígótsiníi nohwidits'ag; áídá' dahadín doo Bik'ehgo'ihinaan yits'á'díhi nlii dahíi doo nohwidits'ag da. Díi bee spirit da'aníihíi nlii shíhíi, dagohíi spirit lé'íchoohíi nlii shíhíi bídaagonlzi.

7 Shił daanohshóni, hıł daanjoo le': il'ijóóníi Bik'ehgo'ihinaan bits'á'díhi at'éé; dahadín bil'ijóóníi Bik'ehgo'ihinaan bizhaazhé nliini at'éé, la'íi Bik'ehgo'ihinaan yígótsi.

8 Dahadín doo bil'ijoo dahíi, doo Bik'ehgo'ihinaan yígótsi da; Bik'ehgo'ihinaan il'ijóni nliihíi bigha.

9 Díi k'ehgo Bik'ehgo'ihinaan bil'ijóóníi nohwıl ch'í'nah alzaa, Bik'ehgo'ihinaan biYe' dała'áhi ni'goszán biká'zhí' nkeyinł'a', án bee daahin'naa doleelgo.

10 Díinko il'ijóóníi at'éé, doo néé Bik'ehgo'ihinaan nohwıl daanzhoo'híi bigha da, ndi bíi bil daanjoo'híi bigha biYe' nohwá yinł'a', bidilíi bee nohwinchó'híi bigha nohwá nahiniil doleelgo.

11 Shił daanohshóni, Bik'ehgo'ihinaan dážhó bil daanjoo'híi bigha, néé ałdó' hıł daanjoo le'.

12 Doo hak'i hadín Bik'ehgo'ihinaan yo'ii da. Néé hıł daanjoo'yúgo Bik'ehgo'ihinaan nohwiyi' golíi, nohwıl nzhooníi dayúweh nłdzil hileehíi bigha łalzaa.

13 Díi bee Bik'ehgo'ihinaan biyi' daagondliigo, la'íi bíi nohwiyi' golíigo bídaagonlzi, dabíi biSpirit nohwaa yiné'híi bigha.

14 NohwiTaa biYe' ni'gospdzán biká' nnee hasdáyiniilgo yinl'a'íi daahihiiłtsaągo baa daagohiilni'.

15 Dahadín, Jesus Bik'ehgo'ihinań biYe' at'éé, nihií Bik'ehgo'ihinań biyi' golíi, bíi ałdó' yiwi' golíi.

16 Bik'ehgo'ihinań bił daanjooníi bídaagonłzi ła'íi daahohiidłaa. Bik'ehgo'ihinań ił'ijóni nlii; áik'ehgo hadín ił'ijóni yiwi' golíinií, Bik'ehgo'ihinań yiwi' golíi, ła'íi bíi ałdó' Bik'ehgo'ihinań biyi' golíi.

17 Ái bigha nohwił'ijóóníi nłdzilgo nohwá łałzaa, Bik'ehgo'ihinań nnee yándaago'aahíi bijii doo daasiite' dago nasiidzi doleełgo ni'gospdzán biká' daagondlii ndi án ye'at'ééhíi néé ałdó' be'ádaant'eehíi bigha.

18 Hadín bił'ijóóníi doo neildzid da; ił'ijóóníi łałzaahíi bee négodzidíi nain'i: hadín neildzidíi bini-godilne'. Hadín neildzidíi bił'ijóóníi doo łałzaa da.

19 Bik'ehgo'ihinań dantsé bił daanjóohíi bigha nohwił daanzhóo.

20 Dahadín, Bik'ehgo'ihinań shił nzhóo, niidá' bik'isn yik'ennihiyúgo, ái lé'ikchóhi nlii: dahadín bik'isn yo'ini ndi doo bił nzhóo dadá', hagot'éégo Bik'ehgo'ihinań, doo yo'ii dahíi, bił nzhóo doleeł?

21 Díi Bik'ehgo'ihinań nohwá ngon'áni at'éé, Dahadín Bik'ehgo'ihinań bił nzhooníi bik'isn ałdó' bił nzhóo le'.

5

1 Nnee daantíige Jesus, Christ nliigo yodlaaníi, Bik'ehgo'ihinań bizhaazhé nlii: áik'ehgo dahadín nohwiTaa bił nzhooníi, bizhaazhé ałdó' bił nzhóo.

2 Bik'ehgo'ihinañ nohwil daanzhoogo, ngon'aání bikísk'eh ádaant'eeyúgo, áí bee Bik'ehgo'ihinañ bichagháshé nohwil daanzhoogo bídaagonlji.

3 Bik'ehgo'ihinañ ngon'aání bikísk'eh ách'ít'ééhíí, án koł nzhóni at'éé: án ngon'aání bikísk'eh ách'ít'ééhíí doo nyee da.

4 Dahadín Bik'ehgo'ihinañ bizhaazhé nliiníí ni'godzáń biká' ágot'eehíí yitis nlii: nohwi'odla'íí bee ni'godzáń biká' ágot'eehíí bitis daandlii.

5 Hadín ni'godzáń biká' ágot'eehíí yitis nlii? Dahadín Jesus Bik'ehgo'ihinañ biYe' nliigo yodlaaníí zhá.

6 Jesus Christ tú hik'e dił biłgo bee nyáá, doo dá tú zhá bee da; tú hik'e dił biłgo bee nyáá. Holy Spirit da'anii nliihíí bighá da'aniiigo baa nagolní'.

7 Taagi yaaká'yú da'aniiigo baa nadaagolní', nohwiTaa, hik'e Yati' nliini, la'íí Holy Spirit: áí taagihíí dała'áhi at'éé.

8 Taagi ni'godzáń biká' da'aniiigo baa nadaagolní', Holy Spirit, hik'e tú, la'íí dił: díí taagihíí dáłekt'eego ádaanii.

9 Nnee nadaagolní'íí hodaayélts'aą, áídá' Bik'ehgo'ihinañ nagolní'íí itisgo ádaanzigo hodaayélts'aągo nht'éé: áí nagolní'íí dabíí biYe' yaa nagolní'híí át'éé.

10 Dahadín Bik'ehgo'ihinañ biYe' yodlaaníí, dabíí da'anii na'goni'go yígótsi: dahadín Bik'ehgo'ihinañ doo yodlaą dahíí, lé'ilchoogo áyíłsi; biYe' yaa nagolní'íí doo yodlaą dahíí bighá.

11 Díinko yaa nagolní'íí át'éé, Bik'ehgo'ihinañ ihinaa doo ngonel'aą dahíí nohwaa daidez'aą, díí ihinaahíí biYe' yiyi' golíí.

12 Dahadín Bik'ehgo'ihinań biYe' yigoyikííhíí ihinaa doo ngonel'aa dahíí yee hinaa; dahadín Bik'ehgo'ihinań biYe' doo yigoyikíí dahíí doo áík'ehgo hinaa da.

13 Díí k'eshchiiníí nohwíí, Bik'ehgo'ihinań biYe' daahohdlaaníí nohwich'í' k'eshchíí; ihinaa doo ngonel'aa dahíí bee daahinohnaa bídaagonłsı doleelíí bigha, la'íí Bik'ehgo'ihinań biYe' bizhi' dayúweh daahohdlaa doleelgo.

14 Díínko bee bada'óndlii, nt'éhéta biká da'ohiikaah, bíí hát'íiníí bik'ehgoyúgo, nohwidits'ag:

15 Nt'éhéta biká da'ohiikaahgee nohwidits'ago bídaagonłziyúgo, biká da'ohiikaahíí daasiit'ıdgo bídaagonłzı.

16 Dahadín bik'isn ncho'íí doo bigha da'itsaah dahíí ye'at'ıgo yo'ııyúgo, yigha okaah le', áík'ehgo ncho'íí doo bigha da'itsaah dahíí ye'adaat'iiníí Bik'ehgo'ihinań ihinaahíí bá baa daide'aah doleel. Ncho'híí bigha da'itsaahíí gólíí: áí bigha hadín okaah le' doo dishnii da.

17 Doo bik'ehyú ánách'ot'ııł dahíí dawa ncho'ihíí át'éé: áídá' ncho'íí doo bigha da'itsaah dahíí gólíí.

18 Dahadín Bik'ehgo'ihinań bizhaazhé nliiníí doo ncho'go at'ıı dago bídaagonłzı; Bik'ehgo'ihinań biYe' nł'éégo bistıı, áík'ehgo ncho'i nliihń doo bíhi'náh dago ábıłsı.

19 Bik'ehgo'ihinań bits'á'dí' daandlııgo bídaagonłzı, áídá' ni'gosdzán dágoz'aa nt'éégo ncho'i nliihń yebik'eh.

20 Bik'ehgo'ihinań biYe' nyáágo nohwıl ıdaagozıgo ádaanohwizlaahíí bídaagonłzı,

Bik'ehgo'ihí'nań da'anii nlíni bídaagonlzi doleelgo; dabíí da'anii nlíni biyi' daagondlii, biYe', Jesus Christ biyi' daagondlii. Díí Bik'ehgo'ihí'nań da'aníhi, la'íí ihí'naa doo ngonel'ąą dahíí át'ée.

²¹ Shichagháshé, nadn'ái bee daach'okąąhíí bits'á'zhí' ádaanoht'ee. Doleelgo at'ée.

**The New Testament of our Lord and Saviour
Jesus Christ
New Testament in Apache, Western (US:apw:Apache,
Western)**

copyright © 2012 Wycliffe Bible Translators, Inc.

Language: Western Apache (Apache, Western)

Translation by: Wycliffe Bible Translators, Inc.

Copyright Information

© 2012, Wycliffe Bible Translators. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Apache, Western

© 2012, Wycliffe Bible Translators. All rights reserved.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files
dated 31 Aug 2023

22cab38e-86e0-5c5b-8972-5c0fa467c049